

HAK-PAR ligel Dayikên Şemiyê ye û piştgiriye dide wan

Yazar Administrator

Cuma, 17 Ağustos 2018 20:50 - Son Güncelleme Cumartesi, 18 Ağustos 2018 07:51



HAK-PAR ligel Dayikên Şemiyê ye û piştgiriye dide wan

DIVÊ DEWLET ÊDÎ HEMÛ SÛC Û SÛCDARAN AŞKERE BIKE

Li Tirkîyê bi sedan dayikên ku zarok an jî xismên wan di dema binçavkirinê da hatine kuştin, her rojên şemiyên li Galatasaray Stenbolê kom dibin û pirsê zarokên xwe dikin ka çî bi serê wan da hatiye. Ew li pey şopa zarokên xwe, dengê xwe bilind dikin. Lê midexale û zordariyên ku li wan tê kirin her car rûyê reş ê Tirkîyeyê nîşanê dinyayê dide. Ev kombûnên han 700 hefte ne didomin.

Hin caran rêvebirên dewletê ji hêzên “ewlehiyê” re dibêjin binçavkirina wan kesan “temînata dewletê” ye. Bi vî awayî wana teşwîqî kuştin û qetilkirinê dikin.

Her wiha ne cenazeyên kuştîyan teslîmî malbatan dikin, ne derbarê wan da agahî didin û ne jî mezelên wan nîşan didin.

Dewlet bi vî awayî rûyê xwe yê hovane nîşan dide û her roj jî zêdetir zilmkar dibe.

Divê dewlet nebe çete, li gorî hiqûqê tevbigere.

Mirov bê sûc û sedem tîn binçavkirin, kuştin, mezelên wan tîn veşartin... Ev kevneşopiyeye kevn e û rayedarên dewletê jî ser wan dinixmînin. Ev helwesta hanê dewletê teşwîqî sûc dike û kuştinan dike tişteki "asayî".

Mixabin Tirkiye hêj nebûye dewleteke demokratîk, pirsgirêkên xwe yên sereke çareser nekiriye. Li dewletên weki Tirkiye mafên mirovan pir caran tîn bînpêkirin û ev êdî dibe tişteki ji rêzê.

Heta ku dewlet sûcên xwe qebûl neke, ew sûc wê dubare bibin.

Di salên 90an da dewlet wekî çeteyekê kesên hatine binçavkirin dikuşt û digot kujer ne diyar e. Bi vî awayî tirs û xofeke mezin dixist nav civatê.

Gotina Serokomarê 9. Suleyman Demîrel; "Heke hewce be, dewlet dikare bike" nîşan dide ku ev kevneşopiya qirêj ji aliyê pir kesan va wek tiştê normal hatiye qebûl kirin.

Ji bo ku ev kevneşopiya qirêj bi dawî bibe, divê dewlet hemû sûcên xwe yê berê qebûl bike û edaletê pêk bîne.

Di 25ê Tebaxa 2018an da, "Dayikên Şemiyê" yê ku hêviyên xwe wenda nekirine, wê cara 700emîn hesabê zarokên xwe bipirsin. Ligel vê yekê jî bang li rêvebirên dewletê bikin, ku rastiyan qebûl bikin û edaletê pêk bînin.

Dayikên Şemiyê ji sala 1995an û vir va, her roja şemiyê dibêjin; "Kujer diyar in, xizmên me li ku derê ne". Lê dewlet li hemebrî pirsar wan bêdeng e.

HAK-PAR ligel Dayikên Şemiyê ye û piştgiriye dide wan

Yazar Administrator

Cuma, 17 Ağuŝtos 2018 20:50 - Son Güncelleme Cumartesi, 18 Ağuŝtos 2018 07:51

Di nav 23 salan de gelek hikûmet guherîn, lê rastî zelal nebûn, edalet nehate vî welatî.

Dewlet ne sûcên xwe hilda ser xwe, ne jî hewl da ku edaletê pêk bîne.

Berevajî vê yekê; wana jî ser sûcan nixumandin, sûcdar veşartin..

Tu hikûmet gora wan kesên ku hatine qetilkirin nîşanî dayikan neda û bû şîrîkê wan sûcan.

Hikûmetên ku van kuştinan zelal nekirin, derbarê wan da tu agahî nedan, hestiyên zarokan teslîmî malbatan nekirin, gorekê ku dayik li ser dua bikin nîşanî wan nedan, bi van kiryarên xwe sûcdar û qirêj in.

HAK-PAR ligel Dayikên Şemiyê ye û piştgiriye dide wan

Yazar Administrator

Cuma, 17 Ağustos 2018 20:50 - Son Güncelleme Cumartesi, 18 Ağustos 2018 07:51

Em wek Partiya Maf û Azadiyan (HAK-PAR) bang li rayedaran dîkin ku wan kesên wenda bibînin, derbarî wan da agadarî bidin, edaletê bi cih bînin.

Em careke din piştgiriya xwe ji bo çalakiya “Dayikên Şemiyê” nîşan didin. Em ê hertim ligel wan bin.

Berpirsiyara Şaxa Jinan û Cîgira Serokê Giştî

ê PARTIYA MAF Û AZADIYAN/HAK-PAR

Sultan Söylemez